

Broj: U.D.-01-04-9999/21  
Sarajevo, 07.07.2021. godine

Na osnovu člana 70. stav (3) Zakona o javnim nabavkama, Pravilnika o uslovima i načinom korištenja e-aukcije ("Službeni glasnik BiH" broj: 66/16), člana 45. Statuta "JP BH POŠTA" d.o.o. Sarajevo i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, te prijedloga - preporuke Komisije za nabavku putničkog motornog putem operativnog lizinga broj: 07.411-9-7634-17/21 od 06.07.2021.godine, Uprava Društva na svojoj 76. elektronskoj sjednici održanoj 07.07.2021. godine, d o n o s i:

## O D L U K U O IZBORU NAJPOVOLJNIJEG PONUĐAČA

### I

U postupku javne nabavke **putničkih motornih vozila putem operativnog lizinga**, ovom odlukom se vrši izbor najpovoljnijeg ponuđača **Porsche leasing doo Sarajevo** - predstavnik grupe ponuđača *Porsche leasing doo Sarajevo* i *Porsche Inter Auto BH doo Sarajevo*, **sa vrijednošću ugovora 52.341,60 KM bez PDV-a, odnosno ukupnu vrijednost od 61.239,67 KM sa uračunatim PDV-om.**

### II

Član grupe ponuđača (*Porsche leasing doo Sarajevo*) je dužan u roku od 7 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

Član grupe ponuđača (*Porsche Inter Auto BH doo Sarajevo*) nije dužan dostaviti dokaze predviđene članom 45. Zakona o javnim nabavkama obzirom da su iste dostavljene u sklopu ponude.

### III

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

## O B R A Z L O Ž E N J E:

Na osnovu Odluke o pokretanju postupka javne nabavke **putničkog motornog vozila** putem operativnog lizinga na period do 48 mjeseci broj: U.D.-01.04-7950/21 od 25.05.2021. godine i Rješenja Generalnog direktora o formiranju Komisije za provođenje postupka nabavke **putničkog motornog vozila** putem operativnog lizinga broj: 01-11-9-7634-2/21 od 28.05.2021.godine, Komisija je provela otvoreni postupak javne nabavke, broj: 07.4-11-9-7634-10/21 sa objavljivanjem Obavještenja o nabavci, broj: 238-1-1-326-3-94/21 od 10.06.2021. godine.

Javno otvaranje ponuda u postupku predmetne nabavke održano je dana 06.07.2021. godine u 12 sati i 15 min, u Banket sali Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen poseban Zapisnik o otvaranju ponuda, broj: 07.4-11-9-7634-16/21, koji je sastavni dio ovog Izvještaja.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći tom prilikom uvid u sadržaj i validnost dostavljene dokumentacije. Na Protokol Društva do roka određenog za prijem, pristigle je ponuda sljedećeg ponuđača:



**Porsche leasing doo Sarajevo**GENERALNA DIREKCIJA  
u iznosu od **52.341,60 KM bez PDV-a**

Komisija je izvršila uvid u dostavljenu ponudu te je prilikom analize utvrdila sljedeće:

- da ponuđač **Porsche leasing doo Sarajevo** predstavlja grupu ponuđača **Porsche leasing doo Sarajevo i Porsche Inter Auto BH doo Sarajevo** sa ukupnom vrijednošću ponude od 52.341,60 KM bez PDV-a ispunjava sve pravne, ekonomske i tehničke uslove utvrđene tenderskom dokumentacijom, te je ista ocjenjena kao formalno-pravno, ekonomski i tehnički **prihvatljiva**.

Cijeneći činjenično stanje Komisija konstatuje da je za javnu nabavku **putničkog motornog vozila putem operativnog lizinga**, pristigla ukupno jedna prihvatljiva ponuda za Ugovorni organ.

Ugovorni organ je za predmetnu nabavku predvidio provođenje E-aukcije ali s obzirom na to da je pristigla ukupno jedna prihvatljiva ponuda te cijeneći Pravilnik o uslovima i načinu korištenja E-aukcije član 3 stav 3, Ugovorni organ neće zakazivati E-aukciju već će nabavku okončati u skladu sa članom 69. Zakona.

Na osnovu gore navedenog, a shodno utvrđenom kriteriju „najniža cijena“, Komisija utvrđuje rang-listu ponuđača sa uračunatim popustom i bez PDV-a, kako slijedi:

1. **Porsche leasing doo Sarajevo** kao predstavnik grupe ponuđača **Porsche leasing doo Sarajevo i Porsche Inter Auto BH doo Sarajevo**..... **sa cijenom 52.341,60 KM**

Obzirom da ponuda ponuđača **Porsche leasing doo Sarajevo** kao predstavnika grupe ponuđača **Porsche leasing doo Sarajevo i Porsche Inter Auto BH doo Sarajevo** u potpunosti odgovara traženim tehničkim zahtjevima ugovornog organa, i da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

**PRAVNA POUKA:** Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama.



**GENERALNI DIREKTOR**  
  
**mr.sci. Mirsad Mujić**

Dostaviti:

- Služba Marketing –za objavu
- Sektor za poštanski promet
- Sektor za ekonomsko-finansijske poslove
- Odjeljenje za javne nabavke
- Ponuđačima putem Odjeljenja za javne nabavke
- arhiva UD
- a/a

